

## Referat frå styremøte 30/08 2023, kl. 10.00-14.30 på Sødorp Gjestgivergård

Desse møtte: Knut Evensen, Ola Hareland, Jonny Mathisen, Frode Rudland, Kjell Gudmund Sviens (på Teams), Svanhild Holden, Anne Terningen og Pål Kjorstad.

Forfall: Even Sjurrud

### **Sak 68/2023: Innspill til NSG til regeringas arbeid med ny dyrevelferdmelding**

- Denne vart behandla i eige styremøte den 20/08 2023 og innspelet til NSG vart slikt:

*«Generelt synest vi innspilet til NSG har fått med seg mange gode moment, men synest likevel noko er litt uklårt eller har nokre få manglar. Vi er svært samde i sluttsetningane i kursiv etter kvar del, og føreslår at desse i tillegg til kursiv uthenvast med feit skrift.*

*Vi i OSG har vald å kommentera kvar del som har overskrift i innspilet*

- a) *Framtida sine premisser for dyrevelferd*
  - *I fyrste avsnitt som omhandlar bl. a. «årets tørke» bør ein kanskje òg ta med «årets flaum». I setninga som startar med «Skal me imøtekommme verda sitt behov....» vil vi ha presisert kvifor beitedyra vert viktigare ved å slutta setninga med «, da beitedyra faktisk kan nytta lite dyrkbart areal som kulturbete og utmarksbeite til matproduksjon og god dyrevelferd.» Elles synes vi at innleiringa er god.*
- b) *Dyrevelferd – eit delt ansvar*
  - *Fine tankar og presiseringar. Men orda «kvar» og ordet «samfunnet» passar ikkje heilt inn i 3 setninga i 2. avsnitt. Vi føreslår at setninga vert endra til og endar slik: «.....er det viktig at ein adresserer korleis det offentlege, folket og bonden alle må ta sitt naturlege ansvar og gje sitt bidrag for god dyrevelferd, for å ta vare på og betra den gode dyrehelsesituasjonen me alt har i Noreg.»*
  - *Vi føreslår eit tillegg, som kanskje også kan vera eit generelt tillegg, der styresmaktene må ta på seg eit ansvar for å informera folket om beiterett, bandtvang, gjerding, rovviltsforvaltning osb.*
- c) *Manglande kunnskap om dagens status*
  - *Heilt samd i dette gode avsnittet. Det er svært viktig at dyrevelferdmeldinga baserer seg på dokumentert kunnskap. Dyreeigarane er svært redd for kunnskapslause, kostbare og upraktiske krav.*
- d) *Målkonflikt 1: Matproduksjon på norske ressursar og kostbare tiltak for å betre dyrevelferd*
  - *Vi er einige og skjørnar det prinsipielle i avsnittet, men i 2. avsnitt står setninga: «Å bygge eit nytt hus til sau kan på ingen måte forsvarast økonomisk». Setninga som sjølvstendig setning vert naken og ikkje heilt truverdig. Bakar ein derimot inn forklaringar som: «Å riva ned ein velfungerande driftsbygning og bygga oppatt ny til sau kan på ingen måte forsvarast korkje dyrevelferds messig eller økonomisk.»*
  - *Vi er òg tvilande til å trekka fram alternativet, som vert forklart at mange kan ty «til meire ekstensiv drift.» Dette kan nok da vera å starta med utegangarsau eller redusera til under 30 mordyr. Vi skjønner at dette mogleg er tenkt som ei forklaring for at ikkje vi i NSG vil ha ei drastisk endring, men vi i OSG vil heller at innspilet skal lesast som at dyrevelferdmeldinga ikkje skal gå utover produksjonen vår meire enn at dyr som i dag vert stelt därleg får det betre. Dei aller fleste dyr vert stelt godt. Noko som står tydeleg og godt i kursiv til slutt.*
- e) *Målkonflikt 2: Norsk matproduksjon, tap av beiterett og dyrevelferd*
  - *Her er vi samde og presiserer at dette er eit svært viktig punkt. Ytre forhold som t.d. eit hyttefelt, kan faktisk bidra til därleg dyrevelferd der installasjonar, jaging og hundar er faktorar som gjev dyra bl.a. haltheit og daglege telefonar til dyreeigarar. Vi ser òg yrkesbrør utan beitedyr, som fråskriv seg gjerdeplikt og opptrer trugande i forhold til utmarksbeite m/sau, der streifbeiting er vanleg*
  - *Vi fann eit par trykkfeil, som sikkert vert retta, som ordet «emnar» som nok skal skrivast «evnar» og i setninga over det i kursiv står ordet «i» 2 gonger.*

Postadresse:

Oppland Sau og Geit  
v/Pål Kjorstad, Moarusta 13  
2647 Sør-Fron

Telefon:

99034406

E-post:

[pkjorstad@outlook.com](mailto:pkjorstad@outlook.com)

Bankkonto:

2095.19.84249

Heimeside:

<http://www.nsg.no/Oppland/>

- f) Målkonflikt 3: Effektivisering og tap av bruk si effekt på dyrevelferd
  - Heilt samd i dette gode avsnittet, der stikkordet for dyra våre er å hegna om beitelaga våre. I praksis vil det seia at vi ikkje kan verta færre enn vi er no.
- g) Målkonflikt 4: Effektiviseringa si negative effekt på bondevelvelferd og dyrevelferd
  - Heilt samd i dette gode avsnittet og den svært gode konklusjonen
- h) Målkonflikt 5: Effektivisering, produktive dyr og velferd
  - Heilt samd her òg.
  - Det har ikkje vore skadeleg å ta med 2 punkt som NSG har bidrige med og bidreg med: I saueavlen har vi vald å setja ned kor mykje delindeksen for tal lam skal telja i O-indeksen, og vi har hatt reglar rundt det såkalla finnegenet.
  - I tillegg har vi sagt at alle prøveverar m/myostatinmutasjon skal slaktast i forhold til at dette på sikt bl.a. kunne medføra dårlegare mobilitet i terrenget for dyra våre
- i) Målkonflikt 6: Produksjonsøkonomi, produksjonstilpassingar og dyrevelferd
  - I forhold til dyrevelferd er vi samde i dette punktet, men ikkje i forhold til etikk og for samvitet for den enkelte bonde. Å måtte avliva dei fleste kjea står, slik styret i OSG ser det, som eit mareritt for geiteneiringa dersom dette kjem fram i media. Det finns vel heller ingen dyreeigar som ser fram til å avliva fleire titals dyr kvar dag. Oppfordringa vår er å gå inn for at dei fleste overskotskjea vert føra opp til slakt.
  - Vi tok òg ein gjennomgang i dagens regelverk for mjølkekyr, der dei pliktar at kalvane skal ha ei viss kontakt m/mora dei fyrste dagane
  - Vi meiner likevel at i denne høyringa skal vi skriva slik NSG har føreslege
- j) Velferd på beite
  - Heilt samde her – dette er godt reflektert og forklart
  - Minner om at det i undersøkingar i seinare år frå Mattilsynet heller ikkje er avklara nokon dokumentert samanheng mellom dårleg dyrevelferd og tap i besetningar med lammetapsprosent større enn 10% på utmarksbeite
- k) Rovviltpolitikk
  - Mykke bra her, men vi vil ha skrive om setninga: «Dei to viktigaste tiltaka for å redusera risikoен for beitedyra.....» til:
  - «Dei viktigaste tiltaka for å redusera risikoen for beitedyra dyra våre på beite er:
    1. Halda talet på freda rovvilt nede på det vedtekne bestandsmålet
    2. Gjennomföra nødvendige uttak av freda rovvilt i alle soner, jmf. punkt 1
    3. Sørga for at bestandsmåla for freda rovvilt vert evaluert på nytt, jmf. nettopp dyrevelferd for beitedyr på inn- og utmark, 1. prioritert er nedgang i bestandsmålet for bjørn
    4. Sørga for at dyrevelferd for beitedyr vert teke på alvor i framtidig forvaltning og handsaming av rovviltpolitikken
- l) Sikring av beiteretten i kommunalt planarbeid
  - Heilt samd i dette, men det burde kanskje vera nemnt ei setning om at Plan og bygningslova v/nye reguleringssplanar alt for enkelt og kanskje lovstridig tek frå beiteretten eller i praksis tek frå moglegheita for å kunne utøva beiteretten frå fleire beiterettshavarar utan at dei er kjent med det
- m) Sikring av offentlege vegar og jernbane
  - Heilt samd i dette
- n) Sikring av hund i beiteområde
  - Heilt samd i dette
- o) Beitedugande dyr
  - Heilt samd i dette. Dette har vi brukt som tema i beitesleppet i alle lammetapsprojekta i Oppland. Det er nokså lett å bruka vanleg god erfaring i forhold til normale forhold utan freda

*rovvilt, men når freda rovvilt er til stades så veit alle at der kan dei største og beste lamma gå uavhengig av definisjonen «beitedyktig»*

- p) *Tilsyn*
- *Heilt samd i dette, og her er òg beitelaga ein viktig nøkkel. At elektronisk overvakingsutstyr skal verta obligatorisk er sjølv sagt ikkje aktuelt, men å sørga for at det vert stilt meire offentlege midlar til slikt vil verka positivt*
  - *Vi i Oppland vil her nemna etablering av radiobjøllelag som eit gode*
- q) *Dyreeigar sine haldningar og kunnskap*
- *Heilt samd i dette*
- r) *Bygg og arealkrav*
- *Heilt samd i dette og godt og grundig skrive. Vi presiserer at dagens forskrift speiler dagens drift. Dei aller fleste føretaka med småfe driv god dyrevelferd. At berre små endringar i arealkravet kan velte store lass av sauebrukarar er ein svært dramatisk konsekvens som vi må unngå!*
- s) *Etablering av Helseteneste for geit*
- *OSG er heilt samd i dette punktet, at Helseteneste for geit må bli etablert og at DVP på geit òg skal verta innført.*
  - *Vi er mest bekymra for at det store og gode arbeidet som vart gjort med «Friskere geiter» vert hardt skada med manglande deltaking og godt nok regelverk for dei fleste andre føretak med geit. Vi ser med skrek på at fleire besetningar med geit ikkje ein gong har dyr med id-merker*

Sør-Fron, 21/08 2023. For Oppland Sau og Geit Pål Kjorstad, sekretær»

### **Sak 69/2023: Referatsaker**

- Styremøte i OSG saman m/Hedmark Sau og Geit 17/07 2023 på Teams, godkjent pr. mail og godkjent i møtet
- Møte i Prosjekt elektronisk beitestyring på Teams 11/08 2023, Pål møtte
- Styremøte i OSG på Teams 20/08 2023, sjå over med høyringssvar til dyrevelferdsmeldinga. Referatet er ligg under sak 68/2023 over. Vi har hørt at NSG vil senda ut ny høyring spesifikk om arealkrav
- Møte i NM-komiteen i Ringebu 24/08, Jonny, Knut og Pål møtte. Det er nå gjeve lovnader om kr. 458.500,- i sponsorstøtte eller anna støtte, påmeldingsskjemaet for arrangementet er laga og lagt ut på nettet, avtale er gjort m/overnattning på Frya Leir, samarbeidsavtale er gjort mat/servering m/Annis Pølsemakeri og det er oppretta eige Facebook-side for arrangementet

### **Vedtak i saka:**

- Styret godkjente referatet frå styremøtet 17/07 2023 og tok den andre informasjonen til orientering

### **Sak 70/2023: Arbeidsplan, organisering og fadderordning**

- Fadder m/lokallag, arbeidsåret 2022/23:
  - Ola Hareland: Skjåk, Lom, Vågå og Dovre
  - Jonny Mathisen: Lesja, Sel, Heidal og Fåvang
  - Even Sjurrud: Nord-Fron, Sør-Fron, Ringebu, Fåberg
  - Knut Evensen: Øyer-Tretten, Gausdal, Biri og Slidre
  - Frode Rudland: Vardal, Vestre Toten, Østre Toten og Toten III
  - Anne Terningen: Søndre Land, Snertingdal og Etnedal
  - Kjell Gudmund Svien: Hadeland, Nordre Land, Kolbu

- Svanhild Holden: Vang, Nord-Aurdal og Sør-Aurdal

- Leiarmøte 11/11 2023 på Biri
- Geitemøte
- Arealkrav dyrevelferdsmeldinga, NSG kjem med ny høyring m/stutt frist
- Generelt arbeid i styret, synlege/konkrete oppgåver for styremedlemmer m/fristar.  
Dette skal gå fram i framtidige referat og leggjast inn i arbeidsplanen/kalenderen
- Medlemssituasjonen, har fadrane sjekka?

<p>Gjennomføre styremøte etter oppsett plan med saker frå/om Ring 41, geit og OGL        Planlegge kontaktmøte/regionmøter i 2022/23 og seminar/årsmøte i februar 2023        Møtekalender 2023/24:</p>		
Dato/Dato frå og til	Møte/arrangement og stad	Deltakarar frå styret/styret
05/01 2023	Styremøte på Teams	Styret i OSG
10/01 2023	Møte i NM-komiteen ull og klipp i Ringebu	Knut, Jonny og Pål møtte
17/01 2023	Styremøte Spitsbergseter m/valnemnda	Styret i OSG og HSG
18/01 2023	Møte m/Nofence	Jonny og Pål
19/01 2023	Møte m/Telespor og Statsforvaltaren	Jonny og Pål
26/01 2023	Møte m/Findmy og prosjekt jerv	Pål
30/01 2023	Møte m/Spidsbergseter og HSG	Pål
02/02 2023	Møte m/Telespor og Tingkart på Teams	Jonny og Pål møtte
03/02 2023	Beitekonfliktmøte på Dokka m/Leppdalen Beitelag	Anne og Pål møtte
06/02 2023	Styremøte i OSG på Teams	Styret
07/02 2023	Møte i valnemnda i OSG	Valnemnda m/Pål
07/02 2023	Møte i NM-komiteen ull og klipp i Ringebu	Jonny møtte
13/02 2023	Styremøte i OSG på Teams	Styret
14/02 2023	Utmarkskonferanse 2023 NFBS	Pål
08/03 2023	Årsmøte Innlandet Bondelag	Knut
15.-16/03 2023	Årsmøte NSG, Gardermoen	Knut, Ola, Jonny og Frode
16/03 2023	Møte i NM-komiteen ull og klipp i Ringebu	Ingen i styret møtte
22/03 2023	Radioobjølleprosjektet i Vestre Åmot, oppsummering og avslutting på Teams	Pål
22/03 2023	Prosjekt GPS-info, Nord-Fron	Jonny og Pål
24.-26/2 2023	Årsmøte og seminar OSG i Ringebu saman med Hedmark Sau og geit	Styret i OSG m/vara, årsmøteutsendingar og seminardeltakarar
24/03 2023	Webinar Innlandet fylkeskommune	Pål deltok m/foredrag
27/03 2023	Dialog- og rovviltnemndsmøte på Lillehammer	Jonny og Pål
28/03 2023	Kommunikasjonsmøte NSG, Teams	Anne og Pål
29/03 2023	Møte i prosjekt i Valdres	Knut og Pål
30/03 2023	Klimakalkulator NSG	Styret i OSG

30/03 2023	Styremøte OSG	Styret i OSG
31/03 2023	Prosjekt GPS-info Nord-Fron	Jonny og Pål
12/04 2023	Prosjekt Nofence MG, Nord-Fron	Jonny og Pål
25/04 2023	Prosjektmøte ny teknologi MG og Gausdal, Innlandet fylkeskommune	Pål
25/04 2023	Møte m/Telespor om ny app på Teams	Pål
27/04 2023	Møte m/Sør-Fron kommune om fritidsbolig-strategi	Pål
04/05 2023	Møte i rovviltnemnda, Lillehammer	Frode
08/05 2023	Intervju av repr. fra NIBIO om ull	Pål
24/05 2023	Bondens nettverk MG	Knut og Pål
06/06 2023	Styremøte OSG, Beitostølen	Styret i OSG
08/06 2023	Prosjekt elektronisk styring av beitedyr, Innlandet fylkeskommune	Pål
09/06 2023	Gravferd Gunhild Landgraff, Snertingdal	Pål
14/06 2023	Møte om gaupeforvaltning Fossberg	Vågå, Lom og Skjåk inkludert styret i OSG
21/06 2023	Møte i NM-komiteen	Knut og Pål
22/06-26/06 2023	VM i ullh. og saueklipp i Skottland	Anne
17/07 2023	Styremøte i OSG og fellesmøte m/HSG om tur til Rogaland på Teams	Styret i OSG og delar av Styret i HSG
08.-10/08 2023	Styretur saman med HSG til Rogaland, inkludert styremøte OSG	Styret i OSG Avlyst grunna uveret «Hans»
11/08 2023	Prosjekt elektronisk styring av beitedyr, Innlandet fylkeskommune	Pål
20/08 2023	Styremøte i OSG på Teams	Styret i OSG
21/08 2023	Teamsmøte for sentr.tillitsvalde NSG	Knut
24/08 2023	Møte i NM-komiteen i Ringebu	Knut, Jonny og Pål
30/08 2023	Styremøte i OSG på Vinstra	Styret i OSG
04/09 2023	Høyring dyrevelferd, arealkrav	Knut og Pål
September 2023	Sjekke med lokallag, medlemmar	styremedlemmar i OSG
September 2023	Programkomité Rogaland	Knut og Pål
September 2023	Rekneskapsførar OSG, framlegg	Pål
September 2023	Rovvilktskriv til KLD og LMD	Jonny og Pål
Sept./Okttober 2023	Programkomité leiarmøte Biri	Knut, Jonny og Frode
Sept./Okttober 2023	Utmarskskriv til NSG	Anne, Jonny og Pål
11/10 2023	Styremøte i OSG i Skjåk	Styret i OSG, NSG Teams
24/10-26/10 2023	Styretur til Rogaland	Styret i OSG
11/11 2023	Leiarmøte lokallaga i OSG Biri	Styret i OSG
23-25/02 2024	Årsmøte og seminar, Gjøvik	Alle

Vedtak i saka:

- Styret i OSG arbeidar vidare med sakene som er planlagt, sakene som vert spelt inn og vi meiner vi skal ta opp
- Kvar fadder tek kontakt med sine lokallag i forhold til medlemssituasjonen lokalt

- Rogalandstur, programkomité Agnetha, Per Joar, Knut og Pål
- Programkomité leiarmøte: Knut, Jonny og Frode
- Styrearbeidet har hatt ei litt dalande kurve i kvalitet og mengde siste året, alle styremedlemmar må sørga for at synlege og konkrete oppgåver vert utført etter fristar som vert sett

### **Sak 71/2023: Ny rekneskapsførar**

- Leif Arne Sandbekken vil diverre avslutta som rekneskapsførar frå OSG etter årsoppgjeret 2023
- Det vart vist til enkelte aktuelle namn
- Det vart diskutert prisauken ved at eit eventuelt rekneskapsfirma skulle ta på seg jobben
- Vi lyser ikkje ut stillinga enda, men prøver å få tak i ein privatperson
- Overgangsfase – samarbeid m/Leif Arne

#### Vedtak i saka:

Pål sørger for å få på plass eit gjennomarbeida dokument i saka til neste styremøte. Dokumentet må/bør innehalda konkrete namn, forventa arbeidstimar, prisar og korleis alt dette kan samordnas for at styret kan vurdera å vedta korleis og med kven vi skal arbeida vidare med og gjera ei avtale med

### **Sak 72/2023: Utmarkssaker**

- Sak frå Jonny:
- Må presse på NSG for at beitebruksførar skal få hjelp i hundesaker/laushundsaker, innblanding av andre folk i beitesaker – som t.d. flytting av dyr og utklipping av øyremerker, beiterett/«streifbeiterett», gjerder, vegar/jernbane, rovdyr og andre brukarar av utmarka
- Sak frå Anne om øremerkeløse sau som er tatt inn på Biri og i Søndre Land nå for ikke lenge siden. Anne skrev:

*«Ringte til Knut umiddelbart på lørdag 19.08.23 om saken, da jeg ble oppringt fra en dyreeier på Nordsinni som de trodde var eier av dyra ved Flubergbrua. Leder i Søndre Land Sau og Geit hadde fått inn dyra, og har meldt saken til Politiet, og mye videre med samtaler osv: Tre soyer med lam tatt inn til nå, og ei skal være sett rundt i Torpeåsen: Hvordan gå videre for å løse saken så eier kan finnes? Hvordan kanskje unngå at media får slått dette kraftig opp, og flere får ideen til å gjøre det samme? Hva med blodprøver og analyse, kostnader og tidsbruk før svar? Vente til sankinga er over, og da høre fra sauebønder i nærheten? Hva med støtte til dyreeier om denne nå blir funnet, sosialt, faglig og økonomisk? Om det er stor konflikt, hva kan det da hjelpes med? Kan det lages et oppsett som kan brukes når slike tilfelle skjer for prosedyrer ved innsanking, samarbeid, melding til politiet og Mattilsynet, støtte til saueeier, når denne blir funnet, hva om ikke saueeier blir funnet? Hva gjelder da? Saken var oppe på fagmøtet om vurdering av sau i kveld, der Peder Leirdal og Terje Bakken deltok. Samtalen dreide seg de ulike forhold som skrevet ovenfor.*

*Ellers er vansker nå i beitesesongen: Dyr på fylkesveg 250, streifbeiting, manglende gjerder hos bønder og andre, hytter og gjerding, sak om presenning med tau rundt kappsag med tau rundt, som lam hengte seg opp i og døde der.»*

#### Vedtak:

- OSG vil hjelpe desse beitebruksførarane så langt som råd er med organisering og praktiske råd, men prøver i fyrste omgang å gje lokallaga ansvar for sjølve arbeidet.
- OSG sender eit brev til NSG som lister opp kva medlemmene må hjelpast med, ansvar Anne, Jonny og Pål
- Anne lagar ein plan som kan følgjast av andre med bakgrunn i øyremerkesaka

### **Sak 73/2023: Geitesaker**

- Det er planlagt julebord for geitehaldarar i Valdres og samarbeidsmøte mellom geitebønder i Valdres og geitebønder i Hallingdal
- Det er stadig fleire «hagegeithaldarar» som ikkje merkar dyra sine

#### Vedtak:

- Styret i OSG tok informasjonen til orientering og bad Svanhild om å senda bekymringsmelding til Mattilsynet om at dyr ikkje var merka

### **Sak 74/2023: Avlssaker sau**

- Møte i samband m/kåring i Valdres. Kåringsdommarar på kåringane er føreslege 29/8
- Avdeling 48 i Fåvang NKS slit etter utmelding av 2 medlemmer og sal av kåringslam

#### Vedtak:

- Styret i OSG tok informasjonen til etterretning

### **Sak 75/2023: Rovdrysaker**

- Nytt frå Utmarksrådet i NSG:
- Det er innført tidsfristar for administrasjonen m/referat seinast 5 vyrkedagar etter møter og sakliste i god tid før møter i rådet. Jonny er utolmodig og føler at det er ingen vits i å vera med i noko som ikkje gjer noko eller får til noko for medlemmane i NSG. Det er ressurspersonar i rådet, og han meiner at med rett styring og målretta arbeid vil dei utgjera noko på sikt
- NSG skal melda seg ut av Naturbruksalliansen og skal heller starta allianse der alle freda rovviltartar skal vera med - ein såkalla beitebruksallianse
- Ny i administrasjonen utmark: Eira Næsje, som vert eit kjærkome tilskot for NSG og oss alle. Viktig å vise Eira respekt, lære ho opp i faget m/erfaringar og kunnskap og ikkje minst la ho få gjera og løysa eigne oppgåver
- Nytt frå Oppland:
  - Tragisk i Skjåk der Jonny har motteke eit bekymringsbrev i saka, der beitebrukarar nå absolutt diverre syng på siste verset dersom det ikkje skjer ein revolusjon i forvaltninga av jerv. Tapsmønster til jerv i Skjåk har gått frå sinking av matdepot utover hausten til massakre i form av store haugar av kadaver. I tillegg til därleg økonomi i saueneringen fører alt dette til at beitebrukarar sluttar og ingen rekrutterer
  - Tragisk med jerven i resten av jervsona òg frå Lom/Lesja til Ringebu/Øyer
  - Tragisk m/ulv i Sel, Fron og Ringebu, spesielt i Nord-Fron austside. Irritasjon i forhold til SNO m/seint oppmøte på dagen da ulven vart lokalisiert m/ferske spor. Dette hindra skadefellingsvedtak da jeger m/hund frå Hedmark stod klar i Kvam fleire timer før SNO kom og dokumenterte antatt ulv.
  - Kva skal vi gjera? Organisasjonar/grupperingar som Rovviltnemnda i sone 3, KLD, Opplandsbenken og NSG/faglaga sentralt vart omtala og diskutert.
  - Sone/ikkje sone, tal ynglingar av jerv - skal ha 4 har 8, tidleg sank, DNA – uttak av skadedyr, SNO-uttak jerv og gaupesone både i forvaltning og jaktsonar vart diskutert

#### Vedtak:

- Det skal skrivast eit brev til KLD og LMD m/kopi til rovviltnemnda i sone 3 og sentrale politikarar, der rovviltsituasjonen i gamle Oppland vert dokumentert, ansvar Jonny og Pål

- Jonny må på førehand ta kontakt m/statssekretær i KLD, Kjersti Bjørnstad og statsråd i LMD Geir Pollestad slik at vi er sikre på at dette kjem fram

#### **Sak 76/2023: Gjetarhundsaker**

- Oppland Gjeterhundlag hadde fyrste styremøte sitt etter valet i vinter den 21/08 2023
- Lite nytt, lite kommunikasjon m/OSG, skal ha møte på Toftemo om Norgeserieprøve

#### Vedtak:

- Styret i OSG tok informasjonen til orientering

#### **Sak 77/2023: Oppland Radiobjøllelag**

- Ny runde m/fakturering av 49 stk. skuldige leigetakrar frå Leif Arne pr. 04/08 2023
- Ny runde frå meg til 17 stk. 28/08 2023 + samtale m/Sparebank 1 i forhold til kjøp av faktura, men dette galdt berre fakturaer v/kjøp/sal og ikkje utleige. Inkasso-selskapet Finexa er aktuelt, Findmy skal koma med meire opplysningar om dette
- Pr. i dag manglar vi omlag kr. 200.000,- frå til saman 20 leigetakrar, men alle fakturaene våre er betalt med unnatak av framtidige overforbruk av Findmy. Vi manglar å betala tilbake ein faktura i avdelingsrekneskapet
- Telespor - lokk/pakningar må skiftast på nye, fuktutfordringar
- Findmy – nokre leigetakrar har vore i ørska m/sendeplan og Marit M. vil redda noko ved å auka abonnementet på desse

#### Vedtak:

- Styret i OSG tok informasjonen til orientering og bad Pål sørge for at leiga kjem inn

#### **Sak 78/2023: Leiarmøte 2023**

- Dette er planlagt som eit dagmøte 11/11 2023 kl. 10.00-15.00 på Biri
- Forslag til eksterne foredragshaldarar vart vurdert, som Anders Nordstrand (Blogger), Audun Korsæth (NIBIO) og Therese Ruud (STIN)
- Andre fylkeslag har gjerne ein rep. frå styret i NSG på slike arrangement, her var det ei sjølvfølge at Marthe Lang-Ree skal verta invitert
- Styremedlemmar i OSG tek seg av nyheiter frå deira spesialfelt
- Vidare planlegging av programmet vart gjeve til programkomitéen v/Knut Evensen, Jonny Mathisen og Frode Rudland

#### Vedtak:

- Programkomitéen utformar programmet og legg det fram for styret på neste styremøte

#### **Sak 79/2023: Eventuell**

- Neste styremøte vert halde i Skjåk 11/10 saman med Lom og Skjåk Sau og Geit og beitelaga i Lom og Skjåk. Vi inviterer styret i NSG v/Ronald og Ketil med på Teams
- OSG kjøper inn ein eigen høgtalar m/mikrofon til bruk iTeams-møter. Ein sak som vert plassert midt på bordet.

Vinstra 30/08 2023, Pål Kjorstad, sekretær